



**REVIZIJA DERVI d.o.o.**

PRIVREDNO DRUŠTVO ZA REVIZIJU I POSLOVNI KONSALTING

Nikole Šopa 13, JAJCE, mob. 063 334 413, tel: 030 654 210 (office)

[www.revizijadervi.com](http://www.revizijadervi.com) e-mail: [info@revizijadervi.com](mailto:info@revizijadervi.com)

## IZVJEŠTAJ O TRANSPARENTNOSTI za 2025. godinu

---

April, 2026. godine

## SADRŽAJ

Uvod.....	3
Pravna i vlasnička struktura.....	3
Pripadnost mreži.....	4
Upravljačka struktura.....	4
Opis sistema interne kontrole kvaliteta društva za reviziju.....	4
Eksterna provjera kvalitete rada društva za reviziju.....	7
Popis subjekata od javnog interesa kod kojih je Društvo izvršilo reviziju u 2025.god	8
Izjava o procedurama i neovisnost rada društva.....	8
Izjava o politici društva za reviziju u vezi sa kontinuiranim profesionalnim usavršavanjem licenciranih ovlaštenih revizora.....	8
Finansijske informacije o ostvarenom prihodu za 2025. godinu.....	8
Informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa.....	9

## UVOD

Ovaj izvještaj o transparentnosti je objavljen u skladu s odredbama člana 82. Zakona o računovodstvu i reviziji (Službene novine FBiH broj 15 od 24.02.2021.), a prema kojem isti sadrži:

- a) opis pravne forme i strukture vlasništva društva za reviziju,
- b) opis mreže, kao i njeno pravno i strukturno uređenje, ukoliko društvo za reviziju pripada mreži,
- c) opis upravljačke strukture društva za reviziju
- d) opis sistema interne kontrole kvaliteta društva za reviziju
- e) naznaku kada je izvršena posljednja provjera kvaliteta rada društva za reviziju
- f) popis subjekata od javnog interesa kod kojih je to društvo za reviziju tokom prethodne poslovne godine izvršilo reviziju
- g) izjavu koja se odnosi na procedure i nezavisnost rada društva za reviziju, kojom se potvrđuje da je obavljen interni pregled poštovanja zahtjeva nezavisnosti
- h) izjavu o politici društva za reviziju u vezi sa kontinuiranim profesionalnim usavršavanjem licenciranih ovlaštenih revizora
- i) finansijske informacije i podatke o ukupnom prihodu, odnosno prihodu od obavljanja revizije i prihodu od usluga poreznog savjetovanja i drugih usluga koje nisu povezane sa revizijom
- j) informacije o parametrima za utvrđivanje zarada ovlaštenih revizora koji potpisuju izvještaje o obavljenim revizijama subjekata od javnog interesa.

## 1. PRAVNA I VLASNIČKA STRUKTURA

Društvo Revizija Dervi d.o.o. Jajce je osnovano 24.05.2021. godine kao društvo za reviziju i poslovni konsalting kod Općinskog suda u Travniku, sa osnovnim kapitalom od 2.000,00 KM i adresom sjedišta Nikole Šopa 13, 70 101 Jajce. Društvo je registrovano pod ID brojem 4236073440007, te PDV brojem 236073440007. Upisano je u sudski registar pod matičnim brojem 51-01-1111-09. Osnivač društva je Dervišić Nijaz, 100%-tni vlasnik.

Društvo je registrovano za računovodstvene, knjigovodstvene, revizijske djelatnosti i porezno savjetovanje, te je razvrstano pod šifru djelatnosti 69.20 prema klasifikaciji djelatnosti Federalnog zavoda za statistiku.

Društvo za reviziju posjeduje važeću licencu za rad br. 9060261105 koju je izdalo Federalno ministarstvo finansija.

## 2. PRIPADNOST MREŽI

Društvo ne pripada nijednoj međunarodnoj mreži revizorskih društava.

## 3. UPRAVLJAČKA STRUKTURA DRUŠTVA

Upravu društva čini Jasmina Neretljak, direktor i Nijaz Dervišić, prokurista.

Revizijske izvještaje potpisuju direktor i ovlašteni revizori društva.

Ovlašteni revizori društva su:

Edhem Bakšić

Jasmina Neretljak

## 4. OPIS SISTEMA INTERNE KONTROLE KVALITETA DRUŠTVA ZA REVIZIJU

Sistem interne kontrole se osigurava kroz usvojene procedure i metodologiju provođenja revizije kao i usvojenim Pravilnikom o reviziji finansijskih izvještaja.

Društvo je usvojilo pravilnike interne politike kontrole kvalitete koje su izrađene na bazi standarda koje je izdala Međunarodna federacija računovođa (IFAC), uključujući i Međunarodni standard kontrole kvalitete 1 (ISQC1). Osim standarda koje zahtijeva ISQC1, održavamo sisteme kontrole kvalitete, koji su dizajnirani kako bi zadovoljili pravila i standarde koje je izdala F BiH revizorska komora poštujući pravilnik o minimalnom sadržaju radne dokumentacije. Naše politike odražavaju pojedine elemente kontrole kvalitete kako bi partneri i zaposlenici djelovali s integritetom i bili objektivni, temeljito obavljali svoj posao, a sve u skladu s važećim zakonima, propisima i profesionalnim standardima. U nastavku slijedi sažetak ključnih politika, stavova, ponašanja i postupanja kojima osiguravamo kontinuirano održavanje visoke razine kvalitete revizije. Sistem kontrole kvalitete društva obuhvaća sljedeće ključne elemente:

- Odgovornost uprave za kvalitetu rada
- Etički zahtjevi
- Ljudski resursi
- Obavljanje angažmana

### *Odgovornost Uprave za kvalitetu rada*

Naša Uprava se zalaže i poduzima sve radnje koje su potrebne da se osigura da Revizija Dervi d.o.o. Jajce predstavlja kvalitetu, nezavisnost, objektivnost i etičko ponašanje. Poduzimaju se aktivnosti za naglašavanje aspekta važnosti održavanja kvalitete. Isto je sadržano u redovnim sastancima naše Uprave sa svim zaposlenicima. Zaposlenici se upoznaju o novim standardima i povezanim smjernicama koje služe kao pomoć u pružanju visoko kvalitetne usluge našim klijentima. Ovim postupcima naša Uprava u svakoj prilici želi naglasiti važnost zadržavanja standarda kvalitete na svakodnevnom nivou.

### *Etički zahtjevi*

#### *a) Integritet i objektivnost*

Ugled i uspjeh Revizije Dervi d.o.o. Jajce ovisi o profesionalnosti i integritetu Uprave i zaposlenika. Svi zaposlenici Društva obavezni su se ponašati u skladu sa Kodeksom etike profesionalnih računovođa usvojenim od Odbora Međunarodnog udruženja računovođa (IFAC), te sa relevantnim važećim lokalnim propisima.

Svi zaposlenici Društva daju izjave i poštuju principe nezavisnosti od finansijskog ili drugog interesa kod klijenata kod kojih se obavlja revizija ili druga profesionalna usluga, kao i izjave o povjerljivosti koja podrazumijeva da će zaposlenici poštivati povjerljivost informacija stečenih temeljem profesionalnih i poslovnih odnosa i da neće objavljivati bilo koju takvu informaciju trećim osobama bez posebnog i odgovarajućeg odobrenja.

#### *b) Neovisnost*

Revizija Dervi d.o.o. Jajce poštuje pravila vezana za neovisnost sukladno revizorskim standardima, kao i restriktivna lokalna pravila struke i regulatorna pravila. Društvo prati usklađenost s regulatornim i stručnim zahtjevima kao i zahtjevima za neovisnost našeg društva koji se odnose na finansijske udjele u društvima-klijentima, poslovne odnose i uslužne odnose s njima. Našim klijentima dostavljamo ovjerenu i potpisanu Izjavu o neovisnosti.

## *Ljudski potencijali*

### *a) Zapošljavanje*

Prepoznali smo da je kvaliteta obavljenih revizijskih angažmana ovisna o kvaliteti osoba koje zapošljavamo. Stoga je društvo Revizija Dervi d.o.o. Jajce ustanovilo politike i postupke oblikovane kako bi mu pružile razumno jamstvo da ima dovoljno osoba sa sposobnostima, kompetentnošću i privrženošću etičkim načelima potrebnog za obavljanje svojih angažmana u skladu sa standardima profesije i zahtjevima regulativnog i zakonodavnog tijela.

### *b) Profesionalni razvoj*

Obuka je trajan proces. Započinje prilikom zapošljavanja osobe i nastavlja se tokom cijele karijere te osobe. Naši zaposlenici sudjeluju u različitim lokalnim formalnim obukama, a također se kontinuirano obučavaju kroz posao. Područja koja su pokrivena edukacijom uključuju temeljne kompetencije u računovodstvu, reviziji i neovisnosti, kao i specijalizirana područja na kojima pojedinac radi (specifične industrije). Svi zaposlenici kontinuirano se obučavaju, razvijaju i educiraju, te su neposredno uključeni u školovanje zaposlenika kroz posao. Ključna odgovornost Uprave i ovlaštenih revizora je rad sa svim zaposlenicima; trening, nadzor, obučavanje, razmjena iskustava i biti primjer svim zaposlenicima.

Društvo također osigurava poštivanje profesionalnih standarda o povremenoj količini i cikličkoj prirodi potrebnog stručnog obrazovanja. Također, ovlaštene revizori u potpunosti su uključeni u kontinuirani program obrazovanja kroz seminare koji su obavezni za stjecanje uslova za obnavljanje licence za obavljanje revizije.

### *c) Nadzor i usmjeravanje*

Ovlaštene revizori na čelu angažiranog tima imaju odgovornost, na određeni projekt alocirati stručno osposobljene zaposlenike koji imaju potrebno iskustvo u danim okolnostima.

Nadalje, oni su odgovorni za utvrđivanje opsega usmjeravanja, nadzora i pregleda rada manje iskusnih zaposlenika kojima je posao delegiran.

### *Obavljanje revizije*

Konsultacije su ključni element kontrole kvalitete. Ako se ovlašteni revizor na reviziji ne slaže sa savjetima naših stručnjaka, postoji formalni proces za nastavak rasprave unutar našeg zapovjednog lanca dok se pitanje ne razriješi, uzimajući u obzir stav tih stručnjaka. Ključna odgovornost revizora zaduženog za upravljanje rizicima je da budu sastavni dio postupka prihvaćanja i zadržavanja klijenata, odgovoran je za procjenu rizika na kvalitativnoj i kvantitativnoj osnovi. Zaduženi za upravljanje rizicima moraju, gdje je potrebno, biti aktivno uključeni u projektne timove u svrhu konsultacija o pitanjima i prosudbama, kao što su razmatranja o nastavku poslovanja.

Uprava našeg Društva smatra da je gore opisano okruženje kontrole kvalitete u skladu sa svim primjenjivim propisima i da pruža razumnu osnovu za uvjerenje da su zakonski obavezne revizije za 2025. godinu koje obavlja Revizija Dervi d.o.o. Jajce kontinuirano u skladu s potrebnim standardima kvalitete.

## **5. EKSTERNA PROVJERA KVALITETE RADA DRUŠTVA ZA REVIZIJU**

Društvo svake godine ima indirektnu kontrolu od strane Revizorske komore putem upitnika, u skladu sa članom 83. Zakona o računovodstvu i reviziji FBiH.

U okviru navedene kontrole dati su podaci o:

- a) imaojima dionica i udjela u Društvu, kao i o stjecanju i promjeni vlasnika dionica i udjela;
- b) ulaganjima na osnovu kojih je Društvo, direktno ili indirektno, steklo učešće u drugom pravnom licu;
- c) promjenama statuta ili osnivačkog akta;
- d) načinu izračunavanja osiguranja iz člana 58. st. (7), (8) i (9) zakona i polisi osiguranja;
- e) zaposlenima;
- f) spisku svih ugovora o reviziji finansijskih izvještaja, po vrstama revizije, koje je Društvo zaključilo sa obveznicima revizije u izvještajnom periodu,
- g) broju izvještaja o reviziji koje je potpisao svaki licencirani ovlašteni revizor

Društvo nije bilo predmet direktne kontrole od strane Komisije za nadzor i kontrolu kvalitete rada Revizorske komore FBiH.

## 6. POPIS SUBJEKATA OD JAVNOG INTERESA KOD KOJIH JE DRUŠTVO REVIZIJA DERVI D.O.O. JAJCE IZVRŠILO REVIZIJU TOKU 2025. GODINE

U 2025. godini društvo Revizija Dervi d.o.o. Jajce je izvršilo reviziju sljedećih društava od javnog interesa:

- JKP ČISTOĆA I ZELENILO D.O.O. JAJCE
- JP RADIO TELEVIZIJA JAJCE

## 7. IZJAVA O PROCEDURAMA I NEOVISNOST RADA DRUŠTVA

Uprava društva Revizija Dervi d.o.o. Jajce ovom Izjavom potvrđuje da je obavljen unutarnji pregled poštivanja zahtjeva o neovisnosti.

Svi zaposlenici društva prate stroge regulatorne i stručne zahtjeve za neovisnošću. Kontinuirano se ispituju sva pitanja s obzirom na prihvaćanje klijenta. Sukladno Kodeksu profesionalne etike revizora i odredbama Zakona o računovodstvu i reviziji FBiH, uposlenici društva u cijelosti poštuju standarde neovisnosti u cilju izbjegavanja sukoba interesa koji bi mogli utjecati na integritet, objektivnost i nepristranost u pružanju usluga našim klijentima.

## 8. IZJAVA O POLITICI DRUŠTVA ZA REVIZIJU U VEZA SA KONTINUIRANIM PROFESIONALNIM USAVRŠAVANJEM LICENCIRANIH OVLAŠTENIH REVIZORA

Društvo Revizija Dervi d.o.o. Jajce zapošljava dva ovlaštena revizora koja se kontinuirano usavršavaju prisustvovanjem na seminarima Revizorske komore FBiH, te stručnim seminarima u okviru programa kontinuirane profesionalne edukacije čiji nadzor vrši Savez računovođa, revizora i finansijskih djelatnika Federacije BiH, te samoedukacijom putem stručne literature ili relevantnih Internet stranica.

## 9. FINANSIJSKE INFORMACIJE O OSTVARENOM PRIHODU ZA 2025. GODINU

- Prihodi od revizijskih usluga	114.000,00
- Prihodi od računovodstvenih usluga	165.345,00
- Prihodi od ostalih usluga	41.943,00
- Ostali prihodi	76.589,00
<b>UKUPNO</b>	<b>397.877,00</b>

## 10. INFORMACIJE O PARAMETRIMA ZA UTVRĐIVANJE ZARADA OVLAŠTENIH REVIZORA KOJI POTPISUJU IZVJEŠTAJE O OBAVLJENIM REVIZIJAMA SUBJEKATA OD JAVNOG INTERESA

Primanja Ovlaštenih revizora koji potpisuju Izveštaje o obavljenim revizijama od javnog interesa su regulirana pojedinačnim ugovorima o radu.

\* \* \*

Jajce, 27.04.2026. godine

REVIZIJA DERVI d.o.o. Jajce  
Direktor  
*Jasmina Neretljak*  
mr.sc Jasmina Neretljak

